



**Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 139. Tridentinus Cardinalis a Mediolanensis ducatus administratione  
amotus.

---

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

**Sæcul. XVI.** jusque socios, quibus amplior erat potestas, transmittere jubebantur. Nec suo frustrabatur successu ejusmodi demandata facultas; cum enim sedulo in hæreticos inquireretur, intra hujus anni decursum ferme octoginta mortis supplicio fuerunt sublati.

### §. CXXXIX.

#### *Tridentinus Cardinalis a Mediolanensis Ducatus administrationemotus.*

**Thuan. l. 19.** Eodem anno Mediolanensis Ducatus alium adeptus est Gubernatorem; illo enim tempore Tridentinus Cardinalis huic ditioni præerat, Piscarius vero Marchio Regii exercitus imperium in eodem Ducatu tenebat, cum tamen Philippus II. de utroque querendi caussam haberet, ac præcipue de Piscario, qui Valfeneriis, & Chierio per ejuus oscitantiam amissis Fossanum sepe receperat, nec inde exire ausus fuerat, hinc Rex de mutandis hujus Ducatus Rectoribus consilium cepit, cum autem Cardinalem sine mora sua dignitate spoliare nollet, eoquod tam generis sui nobilitas, quam meriti, ac dignitatis excellentia majorem indulgentiam exquirere viderentur, hinc præprimis eidem ærarii sui Regii curam ademit, eo fine, ut

ut auctoritatem suam inde plurimum Sæc. XVI.  
A.C. 1557.  
diminui cernens, ipsus petita abeundi  
licentia Mediolano discederet. Allusit  
quoque Philippi desiderio rei eventus;  
quippe Cardinalis, cum se illo destitu-  
tum fulcro, quo hucusque suam aucto-  
ritatem solidius firmare poterat, sat  
luculenter cognosceret, aliunde vero  
Philippi voluntatem sibi probe perspe-  
ctam haberet, hinc ultroneam munera  
sui abdicationem sibi magis honorifi-  
cam fore censebat: itaque administran-  
di Ducatus onus sibi adimi rogabat,  
ubi non suas preces iterare cogebatur,  
mox annuente Philippo, unde nonnisi  
de eligendo Successore agebatur. Ca-  
staldus Marchio, qui ipsus Cardinalem  
apud Regem accusabat, eodem a  
gubernatione remoto in ejus locum sub-  
stitutum iri sperabat Piscarium Mar-  
chionem, cui clam favebat ob memo-  
riam defuncti Marchionis Piscarii tot  
victoriis clari, sub quo Castaldus  
prima stipendia merebatur. Verum  
Castaldus spe sua frustrabatur; nam Joa-  
nes de Figueroa, qui jam antea Me-  
diolanensis arcis Præfectus erat, Du-  
catui etiam cum summo imperio præ-  
ponebatur.